

·sawcuenh·

Aucaiz Gvaq Ngoenzseng

财叔过生日

□ Dangz Gyahgwnh / 唐家根

Aucaiz betcib roek bi lo, da mbouj mengz, rwz mbouj nuk.

Bingzseiz gyoengqvunz gyaueu daengz roek caetcib bi le, byaij geij yamq roen couh damz ga naet hwet in, daemh dwngx cij ndaej, hoeng Aucaiz mboujdan lienz dwngx cungj mbouj yungh, bingzseiz lij ndaej ndoet gaen baj song gaen laeujhau cij roengz reih bae guhhong, benz bya aeu fwnz couh mbouj yungh gangj lo, dawz caet betcib gaen rap mbouj youqgaenj, ndawmbanj haujlai hauxseng cungj beij mbouj hwnj de.

Aenvih Aucaiz rox gangj vahriu, caeuq vunzmbanj caemh youq gig hab ndaej daeuj, gyoengq vunzmbanj miz laeuj gwn seiz cungj maij cingj de. Ndigah yienznaeuz mwhneix gyoengq lwglan haeuj singz bae youq liux lo, de boux dog youq lajmbanj ngoenzgoenz cungj dwg vaiqvued dangqmaz.

Bingzseiz gyoengq lwgnyez muengh gvaq ngoenzseng dwg vihliux ngoenzhaenx ndaej gwn dan' gauh, ciengq go ngoenzseng vaiqvued. Mwhneix gwndaenj ndei le, haujlai hauxseng hix maij gvaq ngoenzseng, gyoengqde mbouj dwg bae ranzhaeux gwn laeuj, couhdwg bae goding ciengq go.

Gyoengq lwglan hawj bouxgeq gvaq ngoenzseng, dwg hoh de ngoenzngoenz vaiqvued, bibi gyaueu-

raez.

Hoeng mbouj rox vihmaz, Aucaiz cungj mbouj maij gvaq ngoenzseng.

Ngoenzneix youh dwg ngoenzseng Aucaiz lo, haemhlwenz gyoengq lwg couh daj ndawsingz dwk dienhvah dauqma, heuh de gaj geij duz gaeq caj.

Gij gaeq lajmbanj dwg aeu haeuxyangz gueng, beij gij gaeq ndawsingz aeu swzliu gueng haenx noh haemq diemz ndeigwn. ranznden, baengzyoux suenq liux bae, aeu gaj sam seiq duz gaeq cijndaej.

Nyaengqfoedfoed daengz le lajbyongzngoenz, gij gaeq dumq ndei lo, gyoengq lwglan cij laebdaeb dauq daengz ranz.

Banhaemh caet bet diemj cung, ranznden, baengzyoux hix cungj daeuj daengz.

Gyoengqde umj bauqciengh daeuj, bumbum bambam sing yienj gvaq liux, couh naengh haeuj congz bae gwn ngaiz gwn laeuj lo.

Ceiq nauhyied dwg aen daiz lwgnyez haenx. Gyoengqde daengj aen dan' gauh hunghung he youq gyangdaiz, biendaiz diemj le haujlai labcuk, yienzhaeuh aeu aen mauh mbouj sam mbouj seiq he daenj hawj Aucaiz.

Aucaiz ceiq mbouj maij aen mauh neix lo, daenj hwnjbae couh lumj boux fazvangz ndaw densi nei,

dingq hwnjdaej couh lumj bouxdauh nam sawdauh nei.

Go ciengq liux le, youh boq lab ndaep bae, yienzhaeuh daihgya youh dopfwngz "u u" hemq sing ndeu, gij sing neix couh lumj sing daej nei, boux mbouj rox laihnaeuz de dai liux lwglan daej de dem.

Aucaiz naemj, boq lab ndaep liux, couh lumj diuzmingh byaij daengz byai nei. Gijneix dwg hoh de ngoenzseng vaiqvued lwi? Gijneix couh lumjnaeuz hemq hawj de dai haemq vaiq.

Naemj daengz gijneix, Aucaiz ngauzngauz gyauej, najsaeap riu mbat ndeu, hoeng gyoengq lwglan haisim, de youh mbouj ndei gangj maz.

Go ciengq liux lo, ranznden caeuq baengzyoux hix heuh haj hemq roek caimax gvaq.

Mwhneix, gyoengqde gaem aen boilauej daengz henz Aucaiz daeuj, hoh de ngoenzseng vaiqvued, bibi gyaueuraez, yienzhaeuh bouxboux yut ok bak maenz ngaenz hawj Aucaiz.

(1)

fangz mbouj fangz, gveij mbouj gveij, di he cungj mbouj cwxcaih. De fwngz gaem aen mauh haenx couh naemj vut deuz, gyoengq lwgnyez youh aeu aen daeuj daenj hwnj gwnz gyauej de bae.

Mwh ciengq souj go ngoenzseng vaiqvued seiz, Aucaiz sim engq nyap,



Mbwn gvangq fwj hau reihnaz heuswdswd.

Veiz Yinzfungh ingi

108. Cam:

Haj meh lwg caemh mbonq,
Daemj naj gyonj gyauej ndeu,
Doengz ninz youh doengz ndiu,
Doxiu cunz dieg gvangq.

Hoiz:

Haj lwg din ndaw haiz,
Bingzbaiz youq caezcup,
Caez byaij caez yietbaeg,
Mbouj saek lwg doeklaeng.

109. Cam:

Faiq lawz hai hausak,
Nanz gap daemj baenz baengz?
Daengngoenz okdaej daengz,
De cix yungz baenz raemx.

Hoiz:

Mbwn roengz siet hausak,
Nanz gap daemj baenz baengz.
Daengngoenz okdaej daengz,

Vah Duenz

谜语

□ Soucomz Cingjleix Veiz Daz

De cix yungz baenz raemx.

110. Cam:

Baizdoi h bae gyaegya,
Beng sienq caez doxrangh,
Bouxboux soengz sohsang,
Lumj nangx baek gyangmbwn.

Hoiz:

Denganj haem sohsang,

Lumj nangx baek gyangmbwn,
Dienhsienq beng gvaq gwnz,
Bouxboux ndwn maenhndwt.

111. Cam:

Song boux daj gijmaz,
Ndi raen naj caeuq vunz,
Gag boux gag mbiengj mbwn,
Gangj coenzcoenz cingcuj.

Hoiz:

Song boux daj dienhvah,
Ndi raen naj caeuq vunz,
Gag boux gag mbiengj mbwn,
Coenzcoenz nyi seuqsat.

(15)

